

損寘詩鈔

損寔詩鈔

光緒六年長夏

清聲齋校刊

生峭古奧是真學人之詩讀
之令人自慚荒陋

己未正月五日

瑞安孫衣言跋

損寔詩鈔序

余以道光甲辰歲舉於鄉至今歲光緒甲午五十有一
年同舉之友落落晨星而余亦老矣凌君筱南乃甲辰
同年中魁士名人也自少慷慨有大志以文字受曾文
正公之知及文正舉義兵辦賊君陳兵事十二條文正
韙之今相國肅毅伯李公亦同年也君佐其軍累以軍
功保至道員曾一權江甯鹽巡道又奏調赴天津綜
理東洋通商之事行且大用矣而君淡於名利不汲汲
仕進江蘇蘇松太道缺員時議欲以君補之君固辭不

就也生平精於六書九數之學所著有古今車制考螭
螟巢劄記諸書於百家九流靡不通曉乃身後遺書散
佚殆盡僅存損窳詩鈔第五卷其女壻顧君廷益釐爲
二卷而刻之嗚呼君著述之存者止此矣其詩則孫琴
西太僕同年歎爲生峭古奧是真學人之詩然如冬柳
十二首以芬芳悱惻之思寫抑塞磊落之情亦豈僅以
生峭古奧見長乎蓋君流覽各家皆有以窺其奧窔非
止工一體者也其下卷有贈余之詩當時實未寫示今
始得而讀之益歎其愛我之深矣余與君不惟同舉於

鄉而又同生於道光辛巳方甲辰之歲余與君年皆二十有四使至今尙在則亦七十有四矣乃年止五十六而卒天生此才旣不使得大用於時而又奪其年而又泯滅其所著之書是何爲者也然有此兩卷詩存於後世則其才其學亦略見一斑矣

年愚弟俞樾拜書

損寘詩鈔卷一

定遠凌煥筱南

菊花莊

車行聞雷起傾耳費存想偶然轂停轉始辨轟轟響馬
首西北指雨脚喜東往黑雲帶水白當面勃焉長遙望
菊花莊煙靄鬱泱泱解鞅日已暮茅舍方一丈夜半雷
雨惡壞牆有震象惴惴慮傾壓恃命終恐枉電光皎于
月燈影縮如掌蚊蚤欺孤客毒嘴飽骯髒懸知泥水深
明日程期爽行路誠艱難居人偏悵惘倚枕愁聽雨伊



誰正偃仰

呂梁洪

泥行輪欺土山行石欺輪輪鐵成明鏡石骨亦何存十
里呂梁洪青草無宿根黃河恃北岸宜有山嶙峋高岡
乘餘脈頑石紛橫陳或如虎豹守或如犬羊奔或立如
蛙怒或伏如鴟蹲首級長平積骨節防風伸乍見惱行
客欲過愁與人蹇騾四蹄滑負轅重逡巡遲遲得轉轂
獷牙磨齟齬猛力忽一墜大鼓伐雲門耳疑聞雷掩頭
若搶地昏非徒虞輻脫直欲愁車翻旣無顓叔挾安得

藥鍼掀古稱蜀道難已足見一班吁嗟名利客胡爲來
問津

苦雨歎

韶光只九十兼閨得三旬詎知百廿日強半雨中春我
愛幽蘭花手植白玉盆原期雙蕊結可辟一室塵盈盈
花半開零落付漣淪太陽不回光有香難返魂本來草
木姿憔悴命所安其如民生何輟耕而愁歎麥苗旣惡
濕穀種復畏寒出門無乾土千里皆陰雲單袷已裁製
羊裘尙披身方春行冬令陰陽相控搏庶微失其理疵

癘中斯民發爲瘡首疾十治九不全嗟嗟彈丸邑逼處
要路津去年方夏五瘴海揚塵氛大兵絡繹過扉屨縱
橫陳驅馬五百匹遣役千萬肩前者無停足後者加之
鞭炎炎烈日中飢渴爲誰言一蹶不復起瞑目入黃泉
身命雖微賤毋乃乖皇恩蒼蒼無霽色正爲下土冤況
當泥濘中鶚姚赴海邊羽書急于火肩輿滯不前中軍
號令寬爪牙肆噬吞索夫復索騎不言索金錢道主頗
曉事餽璧置盤飧犒師良不易腴民頗有權豈知農民
病脂膏已中乾邦本苟不固國計將艱難我慙四方志

不能徒手援平時傷春意消沮那復存作詩告同志笑
我爲杞人杞人意區區何由達
帝閭

田婦歎

春雨漫塘面水田稻根爛秧母

楚人謂下秧田爲秧母

已作齊土

瘦良可歎少婦攜幼兒掘草漚爲糞炎風吹蓬鬢擲刀
坐隴畔惡草天生刺十指皮爲綻渴飲溝水渾飢分炊
餅半錦屏有麗人金釧約皓腕日午倚繡幃顰眉不欲
飯

瘦馬歎

春山青草肥野馬齒牙健吃飽縱跼齧頓忘羈的患瘦
馬駝官人道遠四蹄倦瘡血炙日光旋毛結泥片櫪短
首屢回鞭長心畏見長鳴向野馬勞逸馮誰問母乃毛
羣中亦有茵與溷本無金臺骨敢辭鹽車困

秋漕歎

寒風緊百草黃嗟嗟卒歲無衣裳勿爲卒歲計且計輸
將里正下來催舉室相春夜不遑

解一

相春如何勿留糶

糠簸之揚之抉擇之如金無沙水無滓掬以示人曰可

矣雞鳴負而馳去家五十里日初升城未啟

解二

前者荷

擔息後者踵已及城上角鳴擁而入倉中布袋如雲集

避足不忍踏滿路皆遺粒

三解

亭亭日午腹飢無那衙官

遣人徠怒目憑几坐持籌操量鼓攬拏數十箇宣言納

米助皇家爾其聽命無譁

四解

大盤樣若箕小盤樣若甌

不曰貯私囊而曰辨稂莠先算羨餘後正課以升爲龠

斛爲斗旁有覲者手執帚米撒於地奪而走吁嗟米乎

曾泥沙之不如

五解

鼠腹旣充虎口乃鬆往求官票不暇

朝饔滿載入倉出而空回首看倉心猶忡忡

六解

官票紙

一張吏索錢三百倩吏讀票字驚疑非常額爲何入米

一石祇有升合在冊攜歸婦子燈下看印花慘淡紅無

色

七解

壬寅八月煥北上有期家叔輩設餞於次溪叔處

賦此志別

丈夫不能爲沖天黃鵠又不能逐雞鶩羣爭啄粟久居
故鄉徒鬱鬱不如北走燕市聽荆軻歌與漸離筑風光
清淑媚遊子芊眠殘綠上輪幅諸父釀金設祖帳草堂
夜深燒華燭烹鯉魚尾臠花猪肉熨我心以試汗之火
齊湯寬我腸以如酥之防風粥和我歌以擊碎之玉唾

壺娛我意以不平之彈棋局庭前秋色如春嬌微霜潛
零紅簌簌朱顏誇人暫時醺班雕不及流光速明月團
圓三百回飛瓊睇子呀嚶哭白藤書笈捆載行懷中愧
無荆山璞瀛洲三島雲霧濛曼倩偷桃有何術黃金持
換長安米日買相思盈一掬岱山峩峩黃河長壺公束
手寧能縮痛飲不辭盡雙瓶襍被明宵淮上宿

迎春詞

青幡子子鼓吹喧小兒拍手遭吏嗔貂冠狐腋坐大轎
保定太守出迎春擁簪東郊忙里正宵徠殘雪成泥濘

九天黯淡無素雲土牛背上北風勁朔方從古稱嚴寒
冰如橋梁雪如山今年緝洗不龜手隆冬只作江南看
去年杭州七尺雪千犬狂走吠狺狺天津橋上啼子規
氣機豈不由坤維黃河不能界南北天下治亂甯可知
宰相上表賀令節狂夫欲言須結舌雲翹之舞青陽歌
對此使我中心熱

洛河舟次阻雨

凌子拂衣自返舟正陽賈人不能留挂颿直趨上窰口
落颿四宿王家樓河闊天低岸欲捲黑雲壓水水倒流

船頭不受細雨膏但見猴毛紛且柔

細雨如絲俗謂猴毛雨

明珠

千斛忽齊瀉浪花汨汨翻成毬短篷苦無三重席罅漏
下注如承霽三更夢醒衾角濕欲起看書燈無油孤舟
跌坐夜聽雨清境亦是前生修是時狂風起東北有意
直打行人頭舵尾澎湃跳鱸鮓危檣格磔鳴鵠鷁天明
轉似昏暮色風力愈勁雨欲休枯柳蕭蕭拂水折茅舍
搖搖傍岸浮舟人冒雨沽村酒賣柴吹火蒸新甍早晚
供客頗不惡醉後共說江湖愁浮家上下一千里犢鼻
弄櫂五十秋生女善謳兒善泅不知世上多王侯烟波